

Caso Flamingo den corte dia 17 di november

“Tin porfin un luz na final di e tunnel”, asina ex-minister Otmar Oduber a duna di conoce e siman aki a traves di un comunicado di prensa. Despues di a bay varios biaha corte y sali cu denunciacion di abuso cometi den e caso aki, porfin diamars ultimo corte a informa señor Oduber cu e tratamiento di e caso lo inicia dia 17 di November y ta spera cu pa dia 2 di december esaki lo yega na un fin.

Na e momentonan aki ainda lo tin cu scucha algun testigo cu defensa di Oduber a pidi pa ser scucha y audiencianan aki lo tuma lugar den e siman di 26 di augustus, manera cu e reces di corte termina. Se-

gun Oduber, esaki lo bira un siman sigur hopi interesante, pasobra pa prome biaha cu lo pone bao huramentacion, dilanti di un hues comisario, funcionarionan di Landsrecherche y RST di Hulanda cu den a caso aki a ser yama dilanti pa e defensa di Oduber, mirando cu lo a keda constata cu e rapportnan traha tabata completamente falso. “Mi lo a prefera claro pa e caso cuminsa mas prome, pero despues di ta wardando mas cu cuatro aña caba, e tres luna aki mi ta kere lo pasa lihe y asina mi por defende mi mes di e acusacionnan sin base aki”, asina Oduber a declara den e comunicado.

Algun siman pasa señor Oduber a denuncia tambe e hecho cu Ministerio Publico lo a

laga haci un peticion na hues comisario pa tene e identidad di e polis Hulandes-Europeo di RST scondi, mientras no a pidi esaki pa esnan di KPA y Landsrecherche cu si ta Arubiano. Un acto cu e Oduber a considera un discriminacion y acto di sinberguensa di parti OM, pasobra, segun Oduber ta netamente e personanan aki ta esnan cu mester bin splica pakico a traha rapportnan falso y cu a conduci na henter e caso aki desde principio.

Den e rapport, Oduber a sigui bisa cu e ta convenci di cu e berdad lo sali na cla y cu e pesadiya aki por pasa pa pasado y asina sigui cu su bida y di su famia cu metanan nobo pa futuro.



Parlamentario independiente Gerlien Croes:

Gabinete Wever-Croes II ta campaña cu limosna di 30 florin pa pensionado

Minister di Finanzas a anuncia un aumento riba e suma di reparatietoeslag pa pensionado di 30 florin. Esaki a pone e parlamentario independiente Gerlien Croes haci un calculacion lihe den su mente, cu e crenchi placa’ki ta yega net pa 2 kipashi, 1 paki di ham y 1 di keshi y por ta un paki di manteca.

Di otro banda, Gobierno ta generando e mayor entrada den su historia, especificamente un 1.7 biyon florin na impuesto cu, como consecuencia, ta produci e surplus di 150 miyon florin cu Gabi-



nete Wever-Croes II ta pronkia cune. E decision di Gabinete Wever-Croes II pa aumenta e

repartietoeslag pa pensionado, ta un strategia puramente populista, segun e parlamentario a indica den un comu-

nicado di prensa. E ta kere cu conscientemente gobierno ta aleha di un maneho financiero responsabel caminda ideal lo ta pa reparti e entrada di pais entre gasto y compensacion publico real, inversion y pago di debe nacional. Cu gasto ta referi y enfatisa riba e miyones den fondo destina pa goederen en diensten (gasto operacional di gobierno) y di personal, cu a subi di 2022 pa 2025 cu 82 miyon! Consejo di Caft riba e proyecto di presupuesto 2025, den su prome pagina caba ta indica cu gobierno “no a inclui suficiente informacion tocante e desa-

royo di e ratio di debe y e gastonan di personal, pa por evalua si Aruba ta cumpli cu e normanan aplicabel,” y den mesun alinea ta bolbe conseha pa “elabora un agenda di inversion multianual y pa estructuralmente controla e gastonan.” Parlamentario independiente Croes: “Obvio cu campaña ta andando y p’esey ta haci e anoncionan aki.” E ta urgi e ciudadano pa: “No laga nan gaña bo cu e 30 florin aki.” Aruba merece un gobernacion cu reconoce y tin preocupacion real pa e realidad actual di su pueblo, mescos cu pa e futuro.

SVOA cu peticion pa drecha caminda entre Colegio Arubano y ex-Emma School

Recientemente, Minister di Enseñansa, Endy Croes a reuni cu Sra. Mariska Dania y Sra. Deta Figueroa di directiva di Colegio Arubano, esta Stichting Voortgezet Aruba (SVOA). Representante di DUOS tambe tabata presente durante e encuentro aki. E directivanan di scol ta den pleno preparacion pa apertura di Aña Escolar 2024-2025 pa garantisar un aña escolar exitoso pa nan studiantenan.

Durante e encuentro a trata diferente punto di interes, entre otro, e vacatura di director di Colegio Arubano, unda cu representantenan di



SVOA a duna informacion actualisa di e proceso. Alabes,

a haci peticion pa un conector y un trahado administra-

tivo mas. DUOS lo haci un ehercicio pa mira si tin e fon-

donan pa asina por aporta na e peticionnan aki. Tambe a remarca cu e caminda entre Colegio Arubano y ex-Emma School a deteriora hopi y segun un comunicado di gobierno, mesora Minister Endy Croes a tuma contacto cu DOW pa haci un calculacion y a expresa speransa cu pronto lo por drecha e caminda. Ademas di esaki, SVOA tin un deseo riba termino mas largo, pa e directiva cu actualmente ta huur un edificio pafo di scol, lo por traha un edificio dentro di e tereno di scol cu lo fungi como nan oficina oficial. Lo forma un team pa traha riba e proyecto aki.